

Pɔɔlo ɔwɔlɛ Nyɔsɛ ɔbono ɔ Nmarasɛ Bunge Tɛsalonika Awura Mɔ

¹ Me Pɔɔlo de Siilase (Silefanuse), de Timoti ne n kya nmarasɛ ɔwɔlɛ baare a kya sa fɛye abono fɛ kya son Yesu Tɛsalonika ɔsowolɛ so ne fɛye-rɛ aye-sɛ Wurubuaare de aye-Wura Yesu Kirisito fɛ wora nyamesɛ kolon mɔ.

² Aye-sɛ Wurubuaare de aye-Wura Yesu Kirisito mɛ' sa fɛye so gɛwɔnsa dɛnsɛ de mɛ' sa fɛye gisen yuuli.

I Tiri Yɛɛ A' Faala Wurubuaare Fɛye So

³ Aye-nanboana Yesu ɔson mɔ dɔ, i tiri yɛɛ a' faala Wurubuaare owi kamaase dɔ fɛye so. I kaabore a' faala mɔ. I lii fɛɛ owi kamaase fɛ kya lɔrɔ ka gyan Yesu so fɛ kya too, ne fɛye pɛwu fɛ kpɛ fɛ kya laare abara ilaa fɛ kya too.

⁴ Imɔso aye gbaa-gbaa a kya yen fɛye a kya sa Yesu asonbo akpen sɛnsɛ mɔ. A wu yɛɛ Yesu ɔson mɔ so mɔ, asa mɛ kya kyo fɛye ne fɛ kya wu ɔlaa. Ne imɔ pɛwu dɔ mɔ fɛ kpɛ san fɛ kya nyɛ gisen fɛ kya ka gyan Yesu so.

Gɛkaabono Yesu Laa Kii Baa Gyi Anyamesɛ Nbele Mɔ

⁵ Fɛye-akyenabi adɛ a laa yɛgɛ asa mɛ' bii ɔkpa ɔbono so Wurubuaare laa kyu gɛsintin gyi anyamesɛ nbele mɔ. Ibono fɛ tɛ Wurubuaare gɛwuragyi dɔ akyenabi ɔnan ne asa ako mɛ kya

yegε fe kya wu ɔlaawuse faa, Wurubuaare laa kale feye wɔra asa abono me kaabore me' wɔra mɔ-awuragyibo mɔ dɔ.

⁶ Fe kya yiyee faa, Wurubuaare nyi yee nengyene ɔ laa kyu geyiyee kee kyu ka abono me yegε fe kya yiyee mɔ giko mɔ, imɔ-ɔkpa so ne.

⁷ O nyi kee yee i kaabore ɔ' sa aye-re feye abono a kya yiyee sa mɔ pewu mɔ nkyoola. Wurubuaare laa sa aye nkyoola owi ɔbono ɔ laa lee Wura Yesu lii Wurubuaare dɔ baa nyiile gesinkpan so asa mɔ. Yesu mɔ-re mɔ-Wurubuaare dɔ isoɔ alolonbo mɔ me laa lii Wurubuaare dɔ baa ka asa ako giko yegε ɔgya kya dεε ɔ kya kyaabɔɔ mɔmɔ wule-wule.

⁸ Asa abono ɔ laa ka mɔmɔ giko genen mɔ ne n gye abono me men nyi Wurubuaare ne me men kya gyi Wura Yesu ɔkalan konkonse mɔ so mɔ.

⁹ Ilaa ibono Wura Wurubuaare laa kyu ka genen asa abono giko mɔ ne n gye lewu nyɔse. I laa sii de ɔmɔ gekpaa. ɔ laa tii ɔmɔ yee me man nye yeε mɔ-ansi dɔ gekaako. Me man nye wu Yesu, ɔlolonbo mɔ nyisigyɔ ɔbono ɔ bo mɔ.

¹⁰ Wurubuaare geke bele geɔe dɔ ne ɔ laa ka anyamese giko genen. Genen geke mɔ ne n gye geke geɔono Wura Yesu laa kii ba gesinkpan so de ɔ' baa nye nyisigyɔ kyu naa de mɔ-ade abono ɔ lɔɔ yela sa mɔ-nyoro mɔ so. Asa abono pewu me ka gyan mɔ so mɔ me laa tansi diile mɔ de i' wɔra ɔmɔ giyan. Feye Tesalonika awura kee fe laa bola genen asa ade so. I lii fee Yesu gesintin ilaa ibono a lee nyiile feye mɔ, fe sɔɔ imɔ gyi.

A Kya Dalaa A Kya Sa Feye

¹¹ A kya nyingi gēkaabono Yesu laa kii ba mō, a kya dalaa a kya sa fēye Tēsalonika awura owi kamaase. Gēnōobono aye-Wurubuaare gi tōgē fēye yēē fē' kyu fēye-nyoro sa mō faa, a kya kolē mō yēē ɔ' kalē fēye wōra asa abono mō ase gēkyena gē kaabore mōmō mō dō. Kyu lii mō-olon so mō, ɔ' yēgē ilaa dēnsē kamaase ibono fē laa sa imō so gēwōnsa yēē fē laa wōra mō, i' wōra ɔdan sa fēye, de gēsun kamaase gēbono fē ka gyan Yesu so ne fē kya wōra mō, fē' taalē wōra gēmō kpaa logē.

¹² A kya dalaa a kya sa fēye genen de aye-Wura Yesu ɔ' nyē nyisigyī kyu naa de fēye so, de fēye mō, fē' nyē nyisigyī kyu naa de mō so kee. I' ba genen sa fēye kyu naa de aye-Wurubuaare de aye-Wura Yesu Kirisito gēwōnsa dēnsē gēbono mē bo sa fēye mō so.

2

Ilaa Ibono I Laa Ba Pēi De Yesu O' Kii Ba Mō

¹ Aye-nanboana Yesu ɔson mō dō, fē ti fē nyi yēē aye-Wura Yesu Kirisito laa kii ba gēsinkpan so gēkaako ne Wurubuaare laa koola-koola aye kpaa gyan Yesu ase. Imōso n kya kolē fēye,

² ɔkamaase ɔbono ɔ laa nyiile fēye yēē genen Wura Yesu gēkē belē gēbono gē ti ba mō, fēŋ sa fē' nu mō ase. Fēē ɔko gi penē yēē Wurubuaare-lēē Oduduu mō ne n nyiile mō abēē ɔko gi bara fēye ɔkalan abēē ɔwolē yēē ɔ lii aye ase mō, fēŋ sa fē' yēgē fēye-nwōnsa gē' nyida fēye abēē i' kpadēē fēye.

³ Fε mεη sa fε' yεge de oko o' penε fεye imo iko-re iko do. I kya nyiile yεε pei de γεke mo gbaa-gbaa γε' loo fo mo, anyamesε sakyoo me laa koso yele kine yεε me maη son Wurubuaare. Pei de γεke mo γε fo mo, isa obono oη kya buu sei ne o laa fue mo-lewu gemara mo laa lee mo-nyoro gewi nyiile.

⁴ Ilaa kamaase ibono anyamesε me kya kyu yεε i gye okpere de momo-son ato mo pewu de Wurubuaare gbaa, genen onyen baare laa soo imo pewu akyoole. O maη kyu imo iko-re iko kyu tere sei. O laa diire mo-nyoro kaabore o laa loo Wurubuaare son obu do kpaa kyena de o' bugi geno toge yεε mo ne n gye Wurubuaare.

⁵ Fεη kya nyingi yεε owi obono n san n bo fεye ase nno mo, ne toge fεye genen ilaa ide?

⁶ Ne fεη nyi yεε ilaa iko ne n kya tii genen onyen mo okpa nperε de o' nye lii gewi owi obono Wurubuaare gi yela sa mo mo?

⁷ Olon obono o kya yεge asa mεη sa mε' buu sei mo ti o kya wora gesun asa do nara-do. Oko ne n kya tii mo-okpa. Nkana ofaanan o kya wora mo-gelaare tentegelen. Kaase obono laa kpe o kya tii mo-okpa genen kpaa fo owi obono Wurubuaare laa lee kaase mo lii olon mo okpa do.

⁸ Nfono mo, obono oη kya buu sei mo laa lii gewi, ne Wura Yesu geno do agyebi a laa moo mo. Yesu nyisigyi mo laa yεge obono oη kya buu sei mo olon obono o bo mo o' yela okara.

⁹ Obono oη kya buu sei mo laa ba genen mo, ilaa nyenyen pewu gemu mo ne n gye obono o laa sa mo olon de o' kyu wora ilaa degenose de

ilaa ibono i laa nye penε asa yεε Wurubuaare olon ne o de mo.

¹⁰ O laa kyu ikpa nyenyen sakyɔ so penε asa abono mε man nye Wurubuaare ase gekyena mo. Mε man nye Wurubuaare ase gekyena, i kya nyiile yεε mε kine yεε men kya laare Yesu gesintin okalan mo. Nkana ibono, mo, ne nan mɔlegε omɔ de mε' nye kyena mo ase.

¹¹ Mε kine Yesu gesintin okalan mo genen mo, Wurubuaare laa tεse kyu olon oko wɔra momɔ-nwɔnsa do de mε' san soɔ daa abon gyi.

¹² Wurubuaare laa yege i' ba genen daa de momɔ abono pewu mε men soɔ Yesu gesintin okalan mo gyi ne ilaa nyenyen giwɔra ne n wɔra momɔ obole mo mε' gyi gipueε.

Fε' Keda Oson Mo Do Kenken

¹³ Aye-nanboana abono fε kya son Wura Yesu ne o kya laare feye ilaa mo, feye berε, i kaabore a' faala Wurubuaare feye so owi kamaase. I kya nyiile yεε lii gese de gese mo, Wurubuaare gi lee gibaa yii feye yεε o laa mɔlegε feye lii feye-ilaa nyenyen giwɔra do. Genɔobono o kya mɔlegε feye mo ne n gye yεε mo-Oduduu mo kya lɔro feye yela sa mo, ne feye mo fε kya soɔ Yesu gesintin okalan mo gyi.

¹⁴ Genen ilaa ide so ne Wurubuaare gi toge feye yεε fε' kyu feye-nyoro sa mo. O kya laare fε' nye aye-Wura Yesu Kirisito nyisigyɔ mo onan. O yege a kyu Yesu okalan konkonse mo bara feye, ne naa de genen okalan mo so ne o toge feye yεε fε' kyu feye-nyoro sa mo.

¹⁵ Imoso aye-nanboana Yesu onon mo do, ilaa ibono a nmarase sa feye abee a nyiile feye lii aye-nno do mo, fe' koso yelee imo so de fe' keda imo do kenken.

¹⁶ Wurubuaare kya laare aye abono a kya son Yesu mo ilaa. O kya toge keda aye-nyoro gekpaa. O kya sa aye so gewonsa dense ne o kya yee aye-gewonsa ge kya gyan ilaa dense ibono o kya laare o' wora sa aye mo so. Genen Wurubuaare kolon baare de aye-Wura Yesu Kirisito gbaa-gbaa

¹⁷ me' tonge sa feye feye-asen do de i' keda feye-nyoro. Me' yee fe' nye onon de fe' kpe fe de daa ilaa dense so-o feye-ilaa worase do de feye-ilaa togeee pewu do.

3

Fe' Dalaa Sa Aye

¹ Aye-nanboana Yesu onon mo do, pei de me-geho ge' yii mo: fe' dalaa sa aye yee Wura Yesu ilaa i' yelege de i' nu gyan belen-belen. Asa me' nu imo, me' soo imo gyi de me' kyu buubuu sa imo fee genobono feye kee fe wora mo.

² Fe' dalaa kee yee Wurubuaare o' molege aye lii abono me gye ilaa nyenyen aworabo ne men bo amu mo abaa do. I kya nyiile yee i men gye nyamese kamaase ne n bo gisogyi sa Wura Yesu.

³ Aye-Wura Yesu, mo, gye daa opraaworabo. O laa sa feye onon de o' dii feye de Obonsan, nyamese nyenyen mo, o men sa o' nye feye.

⁴ Wura Yesu so mo, a soo feye gyi yee fe kya gyi ilaa ibono a wolaa toge feye mo so ne fe laa

gyi ilaa ibono a kya toge feye owole baare do faa kee so.

⁵ Wura Yesu Kirisito o' kpaafeye de owi kamaase fe' nye bii feye-asen do yee Wurubuaare kya laare feye-ilaa. O' yegge fe' kpe fe kya da otu fe kya nye gisen fe kya wora Wurubuaare gelaare fee mo Kirisito kee-kee lee mo onan.

Fen Sa Fe' Wora Wolęgyo

⁶ Aye-nanboana Yesu onon mo do, a de aye-Wura Yesu Kirisito ginyen a kya ka feye yee abono me sii me te yee me man wora gesun mo, fen sa fe' baa bugi ansi de omo. Genen asa abono akyenabi an de fee genobono a nyiile feye mo.

⁷ Feye gbaa-gbaa fe nyi yee i kaabore fe' nyingi ilaa ibono a wora mo de fe' wora genen kee. A bo feye ase nno mo, aye bere, a men kyena giyan.

⁸ A men gyi oko agyudo giyan yee a men ka amo giko. A peere ansi wora gesun genye de geye. A men laare yee a' wora gesola sa feye do oko-re oko.

⁹ Nkana i de okpa yee a' kyu aye-nyoro kyu too feye so bere. Aye mo, a laare daa yee aye-gkyena mo ge' wora sinkaala sa feye de fe' nye kase.

¹⁰ Ko-o owi obono a bo feye ase mo, a yela nbara nko sa feye yee,

“Nengyene oko yee o man wora gesun mo,
fen sa fe' yegge de o' gyi.”

¹¹ Fe' kere genen ilaa ide pewu so dandan. I lii fee a kya nu yee feye do ako me sii me te yee men baa wora gesun. Me kpe ma-a ten ma-a loo asa ilaa do daa.

¹² Aye-Wura Yesu Kirisito so mɔ, a kya ka genen asa abono ne a kya kole mɔmɔ yɛɛ mɛ' yela mɔmɔ-nwɔnsa geten kolon de mɛ' wɔra gɛsun kyu laare mɔmɔ-agyudɔ gyise.

¹³ Fɛye abono fɛ kya son Yesu dandan mɔ, fɛ mɛɲ sa fɛ' yɛɛ idense giwɔra i' fii fɛye.

¹⁴ Nengyene fɛye dɔ ɔko gi kine yɛɛ ɔ maɲ gyi ilaa ibono a ηmarase sa fɛye faa so mɔ, fɛ' kere genen isa ɔbono dandan yela de fɛɲ sa fɛ' baa bugi ansi de mɔ de i' nye wɔra mɔ-ipeeli.

¹⁵ Fɛ mɛɲ sa fɛ' kyu mɔ wɔra fɛɛ fɛye-ɔkyobo bere. Fɛ' ka mɔ fɛɛ fɛye-tedɛana dɔ ɔko.

Agyɛbi Laalaalogɛ

¹⁶ Aye-Wura Yesu gbaa-gbaa, ɔbono ɔ gye gisen yuuli pɛwu gɛmu mɔ, ɔ' sa fɛye gisen yuuli owi kamaase dɔ, ɔkpa kamaase so. Aye-Wura Yesu ɔ' kyena fɛye pɛwu dɔ.

¹⁷ Me, Pɔɔlo, gbaa-gbaa ne n dɛ me-gibaa n kya ηmarase n kya kale fɛye faa. Imɔ idɛ ne n gye me-ɔwɔlɛ kamaase daase. Genen ne n' kya ηmarase me-iwɔlɛ ne.

¹⁸ Aye-Wura Yesu Kirisito ɔ' sa fɛye ɔkamaase so gɛwɔnsa dense.

ᐅᓂᓃᓂ ᐅᓂᓃᓂ
The New Testament in the Gikyode language

copyright © 2020 Wycliffe Bible Translators, Inc.

Language: Gikyode

Contributor: Wycliffe Bible Translators, Inc.

All rights reserved.

2025-04-25

PDF generated using Haiola and XeLaTeX on 25 Apr 2025 from source
files dated 25 Apr 2025

4cc402b4-139a-5f33-9af9-fbf62307f663